

**ՊԵՏՈՒԹՅԱՆ ԿԱՐԻՔՆԵՐԻ ՀԱՄԱՐ ԱՊՐԱՆՔԻ ՄԱՏԱԿԱՐԱՐՄԱՆ
ՊԱՅՄԱՆԱԳԻՐ N ՀՄԱԱՊՁԲ-9/8-6**

ք.Երևան

20 .12.2019թ.

ՀՀ պաշտպանության նախարարությունը ի դեմս ՀՀ պաշտպանության նախարարի տեղակալ Մ. Ղամբարյանի, ով գործում է նախարարության կանոնադրության հիման վրա, այսուհետ «Գնորդ», մի կողմից, և «Վիժնմեդ» ՍՊԸ-ն, ի դեմս տնօրեն Ա. Կարապետյանի, ով գործում է «Վիժնմեդ» ՍՊԸ-ի կանոնադրության հիման վրա, այսուհետ «Վաճառող» մյուս կողմից, կնքեցին սույն պայմանագիրը հետևյալի մասին:

1. ՊԱՅՄԱՆԱԳՐԻ ԱՌԱՐԿԱՆ

1.1 Վաճառողը պարտավորվում է սույն պայմանագրով (այսուհետ՝ պայմանագիր) սահմանված կարգով, ծավալներով, ժամկետներում և հասցեով Գնորդին մատակարարել պայմանագրի N 1 հավելվածով՝ Տեխնիկական բնութագիր-գնման-ժամանակացուցով նախատեսված ապրանքը (այսուհետ՝ ապրանք), իսկ Գնորդը պարտավորվում է ընդունել ապրանքը և վճարել դրա համար:

2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

2.1 Գնորդն իրավունք ունի՝

2.1.1 Ապրանքը պայմանագրով սահմանված ժամկետում Վաճառողի կողմից չմատակարարելու դեպքում հրաժարվել ապրանքից, եթե մատակարարման ժամկետները խախտվել են 2 օրից ավելի:

2.1.2 Եթե հանձնվել է անպատշաճ որակի՝ պայմանագրով նախատեսված տեխնիկական բնութագրին չհամապատասխանող ապրանք՝

ա) պահանջել հատուցելու ապրանքի անպատշաճ որակի լինելու պատճառով իր կատարած ծախսերը:

բ) չընդունել ապրանքն՝ իր հայեցողությամբ սահմանելով անպատշաճ որակի ապրանքը պայմանագրին համապատասխանող որակի ապրանքով անհատուց փոխարինման ողջամիտ ժամկետ և պահանջել Վաճառողից վճարելու պայմանագրի 6.3 կետով նախատեսված տուգանքը:

գ) հրաժարվել պայմանագիրը կատարելուց և պահանջել վերադարձնելու ապրանքի համար վճարված գումարը:

2.1.3 Եթե հանձնվել է պայմանագրով որոշվածից պակաս քանակի ապրանք, ապա՝

ա) պահանջել լրացնելու ապրանքի պակաս հանձնված քանակը,

բ) հրաժարվել հանձնված ապրանքից և դրա համար վճարելուց, իսկ եթե ապրանքի համար վճարվել է, ապա պահանջել վերադարձնելու վճարված գումարը և վճարելու պայմանագրի 6.2 կետով նախատեսված տույժը:

2.1.4 Եթե հանձնվել է տեսակի պայմանի խախտմամբ ապրանք, իր ընտրությամբ՝

ա) ընդունել տեսակի վերաբերյալ պայմանին համապատասխանող ապրանքը և հրաժարվել մնացած ապրանքներից:

բ) հրաժարվել հանձնված բոլոր ապրանքներից և պահանջել վճարելու պայմանագրի 6.2 կետով նախատեսված տույժը:

գ) պահանջել տեսակի վերաբերյալ պայմանին չհամապատասխանող ապրանքի անհատուց փոխարինում պայմանագրով նախատեսված տեսակին համապատասխան ապրանքով:

2.1.5 Վաճառողի կողմից մատակարարման ժամկետների խախտման դեպքում իր հայեցողությամբ սահմանել ապրանքի մատակարարման նոր ժամկետ և պահանջել Վաճառողից վճարելու պայմանագրի 6.2 կետով նախատեսված տույժը:

2.1.6 Վաճառողից պահանջել հատուցելու վնասները, եթե Գնորդը Վաճառողի կողմից պարտավորությունը խախտելու հետևանքով պայմանագրի լուծումից հետո ողջամիտ ժամկետում այլ անձից ավելի բարձր, սակայն ողջամիտ գնով գնել է ապրանք՝ պայմանագրով նախատեսվածի փոխարեն՝ պայմանագրով սահմանված և դրա փոխարեն կնքված գործարքի գների միջև տարբերության չափով, ինչպես նաև ապրանքն այլ անձից ձեռք բերելու համար իր կատարած բոլոր անհրաժեշտ և ողջամիտ ծախսերը:

2.1.7 Միակողմանի լուծել պայմանագիրը (լրիվ կամ մասնակի), եթե Վաճառողն էականորեն խախտել է պայմանագիրը:

2.1.7.1 Վաճառողի կողմից պայմանագիրը խախտելն էական է համարվում, եթե՝

ա) մատակարարվել է անպատշաճ որակի ապրանք որը չի կարող փոխարինվել Գնորդի համար ընդունելի ժամկետում:

բ) ապրանքի մատակարարման ժամկետները խախտվել են 2 օրից ավելի,

2.1.8 Ձևնել ապրանքը և հայտնաբերված թերությունների մասին անհապաղ տեղեկացնել Վաճառողին:

2.2 Գնորդը պարտավոր է՝

2.2.1 Կատարել պայմանագրին համապատասխան մատակարարված ապրանքի ընդունումն ապահովող բոլոր անհրաժեշտ գործողությունները:

2.2.2 Վաճառողի հանձնած ապրանքից պայմանագրին համապատասխան հրաժարվելու դեպքում, ապահովել այդ ապրանքի պատասխանատու պահպանությունը և դրա մասին անհասպաղ տեղեկացնել Վաճառողին:

2.2.3 Պայմանագրով նախատեսված կարգով և ժամկետներում մատակարարված ապրանքն ընդունելու դեպքում Վաճառողին վճարել վերջինիս վճարման ենթակա գումարները, իսկ վճարման ժամկետի խախտման դեպքում՝ նաև պայմանագրի 6.5 կետով նախատեսված տույժը:

2.2.4 Ապրանքի քանակի, տեսականու, որակի մասին պայմանագրի պայմանները խախտելու մասին Վաճառողին ծանուցել թերությունը հայտնաբերելուց հետո անմիջապես կամ այն բանից հետո՝ ողջամիտ ժամկետում, երբ պայմանագրի համապատասխան պայմանի խախտումը պետք է հայտնաբերված լիներ՝ ելնելով ապրանքի բնույթից և նշանակությունից:

2.2.5 Պայմանագրի 2.3.3 կետի համաձայն պայմանագրի լուծումից հետո Վաճառողին հատուցել վերջինիս պատճառված և սահմանված կարգով հիմնավորված վնասները:

2.3 Վաճառողն իրավունք ունի՝

2.3.1 Գնորդից պահանջել ընդունելու պայմանագրով նախատեսված կարգով, ծավալներով, ժամկետներում և հասցեով մատակարարված ապրանքը:

2.3.2 Գնորդից պահանջել վճարելու պայմանագրով նախատեսված կարգով, ծավալներով, ժամկետներում և հասցեով մատակարարված և Գնորդի կողմից ընդունված ապրանքի համար իրեն վճարման ենթակա գումարները:

2.3.3 Միակողմանի լուծել պայմանագիրը (լրիվ կամ մասնակի), եթե Գնորդն էականորեն խախտել է պայմանագիրը:

2.3.3.1 Գնորդի կողմից պայմանագիրը խախտելն էական է համարվում, եթե բազմիցս խախտվել են ապրանքի համար վճարելու ժամկետները:

2.3.4 Գնորդի համաձայնությամբ վաղաժամկետ մատակարարել ապրանքը:

2.4 Վաճառողը պարտավոր է՝

2.4.1 Գնորդին հանձնել ապրանքը՝ պայմանագրով նախատեսված կարգով, ծավալներով, ժամկետներում և հասցեով:

2.4.2 Ապահովել ապրանքի մատակարարումը պայմանագրի 2.1.2 կետի բ) ենթակետին և (կամ) 2.1.5 կետին համապատասխան՝ Գնորդի կողմից սահմանված ժամկետներում:

2.4.3 Գնորդին հանձնել երրորդ անձանց իրավունքներից ազատ ապրանք:

2.4.5 Գնորդին հանձնել պայմանագրով նախատեսված որակի և քանակի ապրանք՝ պայմանագրով նախատեսված ժամկետներում և հասցեով, իսկ Գնորդի պահանջով տրամադրել ապրանքի որակը հավաստող՝ ՀՀ օրենսդրությամբ սահմանված փաստաթղթեր:

2.4.6 Թերի մատակարարում թույլ տալու դեպքում, պայմանագրով նախատեսված կարգով, լրացնել թերի մատակարարվածը:

2.4.7 Հետ տանել Գնորդի կողմից պայմանագրի 2.2.2 կետին համապատասխան՝ պատասխանատու պահպանության ընդունված ապրանքը կամ ողջամիտ ժամկետում տնօրինել այն, ինչպես նաև հատուցել ապրանքը պատասխանատու պահպանության ընդունելու, այն իրացնելու կամ Վաճառողին վերադարձնելու հետ կապված անհրաժեշտ ծախսերը:

2.4.8 Պայմանագրով նախատեսված դեպքերում վճարել պայմանագրի 6.2 և 6.3 կետերով նախատեսված տույժը և տուգանքը:

2.4.9 Գնորդին հանձնել ապրանքի պատկանելիքները և համապատասխան փաստաթղթերը:

2.4.10 Պայմանագրի 2.1.7 կետի համաձայն պայմանագրի լուծումից հետո Գնորդին հատուցել վերջինիս պատճառված և սահմանված կարգով հիմնավորված վնասները:

2.4.11 Որակավորման և պայմանագրի ապահովում ներկայացրած անձը պարտավոր է ապահովումների գործողության ընթացքում լուծարման կամ սնանկացման գործընթաց սկսելու դեպքում դրա մասին նախապես գրավոր տեղեկացնել Գնորդին:

3. ՊԱՅՄԱՆԱԳՐԻ ԳԻՆԸ ԵՎ ՎՃԱՐՄԱՆ ԿԱՐԳԸ

3.1 Պայմանագրի գինը կազմում է **8,525,000** (ութ միլիոն հինգ հարյուր քսանհինգ հազար) ՀՀ դրամ: Պայմանագրի գինը ներառում է պայմանագրի կատարումն ապահովելու նպատակով Վաճառողի կողմից կատարվելիք բոլոր վճարները (ծախսերը), այդ թվում՝ հարկերը, տուրքերը, փոխադրման, ապահովագրման ծախսերը, պարզակավճարները և ակնկալվող շահույթը:

Ապրանքի մատակարարման գինը կայուն է և Վաճառողն իրավունք չունի պահանջել ավելացնելու, իսկ Գնորդը նվազեցնելու այդ գինը:

3.3 Գնորդն իրեն մատակարարված ապրանքի դիմաց վճարում է ՀՀ դրամով անկանխիկ՝ դրամական միջոցները Վաճառողի հաշվարկային հաշվին փոխանցելու միջոցով: Դրամական միջոցների փոխանցումը կատարվում է հանձնման-ընդունման արձանագրության հիման վրա, 5 բանկային օրվա ընթացքում՝ պայմանագրի վճարման ժամանակացույցով (հավելված N 2) նախատեսված չափերով և ամիսներին: Եթե արձանագրությունը կազմվում է տվյալ ամսվա 20-ից հետո և այդ ամսում վճարման ժամանակացույցով նախատեսված են

Ֆինանսական միջոցներ, ապա վճարումն իրականացվում է մինչև 30 աշխատանքային օրվա ընթացքում, բայց ոչ ուշ, քան մինչև տվյալ տարվա դեկտեմբերի 25-ը:

4. ԱՊՐԱՆՔԻ ՈՐԱԿԸ ԵՎ ԵՐԱՇԽԻՔԸ

4.1 Վաճառողը երաշխավորում է մատակարարված ապրանքի որակի համապատասխանությունը պետական ստանդարտի պահանջներին:

5. ԱՊՐԱՆՔԻ ՀԱՆՁՆՈՒՄԸ ԵՎ ԸՆԴՈՒՆՈՒՄԸ

5.1 Մատակարարված ապրանքն ընդունվում է Գնորդի և Վաճառողի միջև հանձնման-ընդունման արձանագրության ստորագրմամբ: Ապրանքը Գնորդին հանձնելու փաստը ֆիքսվում է Գնորդի և Վաճառողի միջև երկկողմ հաստատված փաստաթղթով՝ նշելով փաստաթղթի կազմման ամսաթիվը:

Մինչև պայմանագրով ապրանքի մատակարարման համար նախատեսված օրը ներառյալ Վաճառողը Գնորդին է տրամադրում իր կողմից ստորագրված՝ ապրանքը Գնորդին հանձնելու փաստը ֆիքսող փաստաթուղթը (հավելված N 3.1), իսկ էլեկտրոնային գնումների armeps համակարգի միջոցով (գործողության իրականացման ձեռնարկը տեղադրված է www.procurement.am հասցեով գործող կայքի «էլեկտրոնային գնումներ» բաժնում)՝ նաև հանձնման-ընդունման արձանագրությունը (հավելված N 3): Ընդ որում Վաճառողը հանձնման-ընդունման արձանագրությունը չի կնքում, հաստատում է էլեկտրոնային ստորագրությամբ՝ լրացնելով միայն այն պյունակները, որոնք վերաբերում են իր տվյալներին (լրացման կարգը տեղադրված է www.procurement.am հասցեով գործող կայքի «Օրենսդրություն» բաժնի «Ֆինանսների նախարարի հրամաններ» ենթաբաժնում):

5.2 Եթե մատակարարված ապրանքը համապատասխանում է պայմանագրի պայմաններին, Գնորդը պայմանագրի 5.1 կետում նշված փաստաթղթերը ստանալու օրվան հաջորդող աշխատանքային օրվանից հաշված 5 աշխատանքային օրվա ընթացքում ստորագրում և էլեկտրոնային գնումների armeps համակարգի միջոցով Վաճառողին է տրամադրում իր կողմից ստորագրված հանձնման-ընդունման արձանագրությունը և դրա ստորագրման համար հիմք հանդիսացած դրական եզրակացությունը:

5.3 Եթե մատակարարված ապրանքը կամ դրա մի մասը չի համապատասխանում պայմանագրի պայմաններին, ապա Գնորդը չի ստորագրում հանձնման-ընդունման արձանագրությունը և պայմանագրի 5.2 կետում նշված ժամկետում էլեկտրոնային գնումների armeps համակարգի միջոցով Վաճառողին հետ է վերադարձնում հանձնման-ընդունման արձանագրությունը և դրա չստորագրման համար հիմք հանդիսացած բացասական եզրակացությունը: Սույն կետի կիրառման դեպքում Գնորդը ձեռնարկում է նման իրավիճակի համար պայմանագրով նախատեսված միջոցները և Վաճառողի նկատմամբ կիրառում է պայմանագրով նախատեսված պատասխանատվության միջոցներ:

5.4 Եթե պայմանագրի 5.2 կետով սահմանված ժամկետում Գնորդը չի ընդունում մատակարարված ապրանքը կամ չի մերժում դրա ընդունումը, ապա մատակարարված ապրանքը համարվում է ընդունված և պայմանագրի 5.2 կետով սահմանված վերջնաժամկետին հաջորդող աշխատանքային օրը Գնորդը էլեկտրոնային գնումների համակարգի միջոցով Վաճառողին է տրամադրում իր կողմից ստորագրված հանձնման-ընդունման արձանագրությունը:

6. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

6.1 Վաճառողը պատասխանատվություն է կրում հանձնած ապրանքի որակի և պայմանագրով նախատեսված մատակարարման ժամկետների պահպանման համար:

6.2 Վաճառողի կողմից պայմանագրով նախատեսված ապրանքի մատակարարման ժամկետների խախտման դեպքում Վաճառողից յուրաքանչյուր ուշացված աշխատանքային օրվա համար գանձվում է տույժ՝ մատակարարման ենթակա, սակայն չմատակարարված ապրանքի գնի՝ 0,05 (զրո ամբողջ հինգ հարյուրերորդական) տոկոսի չափով:

6.3 Պայմանագրի 1.1 կետում նշված տեխնիկական բնութագրին չհամապատասխանող ապրանք մատակարարելու յուրաքանչյուր դեպքում Վաճառողից գանձվում է տուգանք՝ պայմանագրի գնի 0,5 (զրո ամբողջ հինգ տասնորդական) տոկոսի չափով:¹ Ընդ որում տուգանքը հաշվարկվում է նաև ապրանքի մատակարարումը սույն պայմանագրով սահմանված ժամկետում կատարելու, սակայն պատվիրատուի կողմից այդ չընդունվելու դեպքում:

6.4 Պայմանագրի 6.2 և 6.3 կետերով նախատեսված տույժը և տուգանքը հաշվարկվում և հաշվանցվում են Վաճառողին վճարման ենթակա գումարների հետ:

6.5 Գնորդի կողմից պայմանագրի 3.3 կետով նախատեսված ժամկետի խախտման համար Գնորդի նկատմամբ յուրաքանչյուր ուշացված աշխատանքային օրվա համար հաշվարկվում է տույժ՝ վճարման ենթակա, սակայն չվճարված գումարի 0,05 (զրո ամբողջ հինգ հարյուրերորդական) տոկոսի չափով:

¹Եթե պայմանագիրը ներառում է մեկից ավել չափաբաժին, ապա տուգանքը հաշվարկվում է պայմանագրով այդ չափաբաժնի համար սահմանված ընդհանուր գնի նկատմամբ:

6.6 Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվություն են կրում ՀՀ օրենսդրությամբ սահմանված կարգով:

6.7 Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

7. ԱՆՀԱՂԹԱՀԱՐԵԼԻ ՈՒԺԻ ԱԶԴԵՏՈՒԹՅՈՒՆԸ (ՖՈՐՍ-ՄԱԺՈՐ)

Պայմանագրով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

8. ԱՅԼ ՊԱՅՄԱՆՆԵՐ

8.1 Պայմանագիրն ուժի մեջ է մտնում Կողմերի ստորագրման պահից՝ և գործում է մինչև կողմերի՝ պայմանագրով ստանձնած պարտավորությունների ողջ ծավալով կատարումը:

Պայմանագրով նախատեսված կողմերի իրավունքների և պարտականությունների կատարման պայման է հանդիսանում պայմանագիրը ՀՀ ֆինանսների նախարարության կողմից հաշվառված լինելու հանգամանքը:

8.2 Պայմանագրից ծագած՝ կողմի վճարային պարտավորությունը չի կարող դադարել այլ պայմանագրից ծագած՝ հակընդդեմ պարտավորության հաշվանցով, առանց կողմերի գրավոր և կնիքով հաստատված համաձայնության: Պայմանագրից ծագած պահանջի իրավունքը չի կարող փոխանցվել այլ անձի, առանց պարտապան կողմի գրավոր համաձայնության:

8.3 Այն դեպքում, երբ օրենքով նախատեսված կարգով օրենքի պահանջների կատարման՝ նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ պայմանագիրը կնքելու նատակով կազմակերպված գնման գործընթացում, մինչև պայմանագրի կնքումը, Վաճառողը ներկայացրել է կեղծ փաստաթղթեր (տեղեկություններ և տվյալներ), կամ վերջինիս ընտրված մասնակից ճանաչելու մասին որոշումը չի համապատասխանում Հայաստանի Հանրապետության օրենսդրությանը, ապա այդ հիմքերն ի հայտ գալուց հետո Գնորդը միակողմանիորեն լուծում է պայմանագիրը, եթե արձանագրված խախտումները մինչև պայմանագրի կնքումը հայտնի լինելու դեպքում գնումների մասին Հայաստանի Հանրապետության օրենսդրության համաձայն հիմք կհանդիսանային պայմանագիրը չկնքելու համար: Ընդ որում, Գնորդը չի կրում պայմանագրի միակողմանի լուծման հետևանքով Վաճառողի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով Գնորդի կրած վնասներն այն ծավալով, որի մասով պայմանագիրը լուծվել է:

8.4 Պայմանագրի հետ կապված վեճերը ենթակա են քննության Հայաստանի Հանրապետության դատարաններում:

8.5 Պայմանագրում փոփոխություններ և լրացումներ կարող են կատարվել միայն Կողմերի փոխադարձ համաձայնությամբ՝ համաձայնագիր կնքելու միջոցով, որը կհանդիսանա պայմանագրի անբաժանելի մասը:

Արգելվում է պայմանագրում, իսկ եթե պայմանագրի գինը գործնային է, ապա նաև այդ պայմանագրին կից հաջորդող յուրաքանչյուր տարիներին կնքված համաձայնագրում կատարել այնպիսի փոփոխություններ, որոնք հանգեցնում են գնվող ապրանքի ծավալների կամ ձեռք բերվող ապրանքի միավորի գնի կամ պայմանագրի գնի արհեստական փոփոխման:

Պայմանագրի կողմերից անկախ գործոնների ազդեցությամբ պայմանագրի փոփոխման յուրաքանչյուր դեպք սահմանում է Հայաստանի Հանրապետության կառավարությունը:

8.8 Ապրանքի մատակարարման ժամկետը կարող է երկարաձգվել մինչև պայմանագրով այդ ժամկետը լրանալը՝ Վաճառողի առաջարկության առկայության դեպքում, պայմանով, որ Գնորդի մոտ չի վերացել ապրանքի օգտագործման պահանջը, իսկ Վաճառողի առաջարկությունը ներկայացվել է ոչ ուշ, քան պայմանագրով ի սկզբանե մատակարարման համար սահմանված ժամկետը լրանալուց առնվազն 5 օրացուցային օր առաջ:

8.9 Պայմանագրի պատշաճ կատարման պայմաններում կողմերի (Վաճառող կամ Գնորդ) օգուտները (խնայողություններ) կամ կրած վնասները տվյալ կողմի օգուտը կամ կրած վնասն են:

Պայմանագրի կողմերի՝ երրորդ անձանց նկատմամբ պարտավորությունները՝ ներառյալ պայմանագրի կատարման շրջանակում Վաճառողի կնքած այլ գործարքները և դրանցից բխող պարտավորությունները, դուրս են պայմանագրի կարգավորման դաշտից և չեն կարող ազդել պայմանագրի կատարման արդյունքն ընդունելու վրա: Այդ գործարքների և դրանցից բխող պարտավորությունների կատարման հետ կապված հարաբերությունները կարգավորվում են այդ գործարքների հետ կապված հարաբերությունները կարգավորող նորմերով, և դրանց համար պատասխանատու է Վաճառողը:

8.10 Պայմանագիրը չի կարող փոփոխվել կողմերի պարտավորությունների մասնակի չկատարման հետևանքով կամ ամբողջությամբ լուծվել կողմերի փոխադարձ համաձայնությամբ՝ բացառությամբ՝ Հայաստանի Հանրապետության օրենսդրությամբ սահմանված կարգով ապրանքի մատակարարման համար անհրաժեշտ ֆինանսական հատկացումների նվազեցման դեպքերի: Ընդ որում, պայմանագրի կողմերի՝ պարտավորությունների մասնակի չկատարման կամ ամբողջությամբ լուծման կողմերի փոխադարձ համաձայնությունն անհրաժեշտ է ձեռք բերել նախքան Հայաստանի Հանրապետության օրենսդրությամբ սահմանված կարգով ապրանքի մատակարարման համար անհրաժեշտ ֆինանսական հատկացումների նվազեցումը:

8.11 Վաճառողի կողմից ստանձնած պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը Գնորդը հրապարակում է www.procurement.am հասցեով գործող ինտերնետային կայքի «Պայմանագրերը միակողմանի լուծելու մասին ծանուցումներ» բաժնում՝ նշելով հրապարակման ամսաթիվը: Վաճառողը, պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը, սույն կետով սահմանված հրապարակվելուն հաջորդող օրվանից: Պայմանագիրն ամբողջությամբ կամ մասնակի միակողմանի լուծելու մասին ծանուցումը տեղեկագրում հրապարակվելու օրը Գնորդը այն ուղարկվում է նաև Վաճառողի էլեկտրոնային փոստին:

8.12 Պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են դատական կարգով:

8.13 Պայմանագիրը կազմված է 12 էջից, կնքվում է երկու օրինակից, որոնք ունեն հավասարազոր իրավաբանական ուժ, յուրաքանչյուր կողմին տրվում է մեկական օրինակ: Պայմանագրի N 1, N 2, N 3 և N 3.1 հավելվածները, համարվում են պայմանագրի անբաժանելի մասը:

8.14 Պայմանագրի հետ կապված հարաբերությունների նկատմամբ կիրառվում է Հայաստանի Հանրապետության իրավունքը:

8.15 Սույն պայմանագրով նախատեսված Պատվիրատուի իրավունքներն ու պարտականություններն իրականացնում է ՀՀ ՊՆ ՆՏԱ ղեկավարամենտը, իսկ պատասխանատու ստորաբաժանում է հանդիսանում ՀՀ ԶՈՒ ՌԲ վարչությունը:

9. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ ԱՏՈՐԱԳՐՈՒԹՅՈՒՆՆԵՐԸ

ԳՆՈՐԴ


ՀՀ պաշտպանության նախարարություն
ք. Երևան, Բազրևանդի 5
ՀՀ ՖՆ գործառնական վարչություն
Հ/Հ 900011144129
ՀՎՀՀ 02522157
ՀՀ պաշտպանության նախարարի տեղակալ



Ա. ԴԱՄԲԱՐՅԱՆ

ՎԱՃԱՌՈՂ







«Վիժնմեդ» ՍՊԸ
ՀՀ, ք.Երևան, Ազաթանգեղոսի 7, բն. 135
«Էվոկաբանկ» ՓԲԸ
Հ/Հ 1660003994010100
ՀՎՀՀ 02647539
տնօրեն





Ա. ԿԱՐԱՊԵՏՅԱՆ

ՏԵԽՆԻԿԱԿԱՆ ԲՆՈՒԹԱՎԳԻՐ - ԳՆՄԱՆ ՓԱՄԱՆԱԿԱՑՈՒՅՑ

ԳՆՄԱՆ ՓԱՄԱՆԱԿԱՑՈՒՅՑ

		Ապրանքի							
2/Հ	անվանումը	Ֆիրմային անվանումը	ապրանքային նշանը	արտադրողի անվանումը	չափման միավորը	ընդհանուր քանակը	միավոր գինը /ՀՀ դրամ/	ընդհանուր գինը /ՀՀ դրամ/	Մատակարարման ժամկետը
65	Ոսպնյակ կոշտ	Lenstec LS-106		Lenstec, Inc. ԱՍՆ	հատ	25	17,000	425,000	Ոչ ուշ, քան 23.12.2019թ.
66	Ոսպնյակ փափուկ	Lenstec Softec HDY		Lenstec, Inc. ԱՍՆ	հատ	100	43,000	4,300,000	Ոչ ուշ, քան 23.12.2019թ.
67	Ոսպնյակ փափուկ պրեմիում	Rayner RayOne Aspheric		Rayner Intraocular Lenses Limited Մեծ Բրիտանիա	հատ	25	60,000	1,500,000	Ոչ ուշ, քան 23.12.2019թ.
68	Ինժեկտոր բազմանգամյա նախատեսված ներթափանցիչ ոսպնյակի ինյուստացիայի համար	Lenstec I9011S Lenstec LC1645S		Lenstec, Inc. ԱՍՆ	հատ	1	270,000	270,000	Ոչ ուշ, քան 23.12.2019թ.
69	Վիսկոլեատորկ 2 մլ ինդոլվ՝ ինժեկտորի մեջ	BVI HPMC Visco Dispersive		Beaver-Visitec International, Inc. (BVI) ԱՍՆ	հատ	150	7,000	1,050,000	Ոչ ուշ, քան 23.12.2019թ.
70	Դանակ միկրովիրաբուժական 2.75 mm	BVI SLIT KNIFE 2.75MM ANGD SINGL BEV W/SAFETY		Beaver-Visitec International, Inc. (BVI) ԱՍՆ	հատ	50	8,000	400,000	Ոչ ուշ, քան 23.12.2019թ.

71	Դանակ միկրովիտրոստատական	BVI SIDEPORT KNIFE 20G ANGL MVR W/SAFETY		Beaver-Visitec International, Inc. (BVI) ԱՄՆ	հատ	40	10,000	400,000	Ոչ ուշ, քան 23.12.2019թ.
72	Սերկ 0.5 մլ՝ սափնյակի կապտուկան ներկելու համար	Vioron		GEUDER AG Fluoron GmbH Գերմանիա	հատ	20	9,000	180,000	Ոչ ուշ, քան 23.12.2019թ.

Ապրանքները պետք է մատակարարվեն ք. Արմավյան, Արզնու խճուղի, Կենտրոնական ղեկարգազ:

Ապրանքների մատակարարման ժամանակ Վաճառողը Գնորդին ներկայացնում է.

- Եվրամիության ներկերից որևէ մեկում և/կամ ԱՄՆ-ում և/կամ Ճապոնիայում ապրանքների գրանցման հավաստագրի (բացառություն են կազմում ՀՀ-ում արտադրված ապրանքները) պատճենը,
- Արտադրողի միջազգային հավաստագրի /ISO, GMP, EC կամ այլ/ և/կամ/ արտադրող պետության կողմից տրված արտադրության անվտանգության և որակի վերահսկման հավաստագրի պատճենը,
- Տվյալ խմբաբանակի համար ապրանքն արտադրողի կամ վերջինիս պաշտոնական ներկայացուցչի կողմից տրված համապատասխանության և/կամ որակի սերտիֆիկատ:

Պիտանելիության ժամկետ ունեցող ապրանքների դեպքում՝ ապրանքները հաճման պահին պետք է ունենան առնվազն պիտանելիության ժամկետի 1/3-ը:

ՏԵԽՆԻԿԱԿԱՆ ԲՆՈՒԹԱԳԻՐ

Ձ/Ը	անվանումը	Ապրանքի տեխնիկական բնութագիրը
65	Ոսպնյակ կոշտ	<p>Lenstec PMMA (LS-106) LS-106 ներամաշին կոշտ ոսպնյակ</p> <p>Ներամաշին ոսպնյակի օպտիկական նյութը: Պոլիմեթիլմետակրիլատ (PMMA)</p> <p>Ներամաշին ոսպնյակի կառուցվածքը: Մեկ կտոր</p> <p>Ներամաշին ոսպնյակի երկարությունը: 13.00 մմ</p> <p>Ներամաշին ոսպնյակի օպտիկական մասի չափսը: 6.00 մմ</p> <p>Ներամաշին ոսպնյակի օպտիկական մասի տեսակը: Էկվիլոնվեքս</p> <p>Ներամաշին ոսպնյակի հապտիկաների տեսակը: Սոդիֆիկացված C</p> <p>Պոլիցիտոն անցքերի քանակ: 0</p> <p>Ներամաշին ոսպնյակի A-կոնտամտը: 118.4</p> <p>Առաջալին խցիկի խորությունը: 5.20 մմ</p> <p>Ներամաշին ոսպնյակի դիտարկման անձան կարգը:</p> <p>Մեկ ամբողջական դիտարկում: +5.0-ից մինչև +16.0 և +25.0-ից մինչև +30.0</p> <p>Կես դիտարկում: +16.5-ից մինչև +24.5</p>
66	Ոսպնյակ փափուկ	<p>Lenstec Softec HDY ներամաշին փափուկ ոսպնյակ</p> <p>Ներամաշին ոսպնյակի օպտիկական նյութը: Հիդրոֆիլ սկրին (26 % ջրի պարունակություն)</p> <p>Ներամաշին ոսպնյակի կառուցվածքը: Մեկ կտոր</p> <p>Ներամաշին ոսպնյակի երկարությունը: 12.00 մմ</p> <p>Ներամաշին ոսպնյակի օպտիկական մասի չափսը: 5.75 մմ</p> <p>Ներամաշին ոսպնյակի օպտիկական մասի տեսակը: Բիաֆերիկ</p>

67	Ոսպնյակ փափուկ պրեմիում	<p>Ներառված են ոսպնյակի հատիկների տեսակը: Մոտիֆիկացված C դոզիջիտն անցքերի քանակ: 0</p> <p>Ներառված են ոսպնյակի օպտիկական A-կոնստանտը: 118.43</p> <p>Ներառված են ոսպնյակի կոնստանտային A-կոնստանտը: 118.0</p> <p>Ներառված են ոսպնյակի դիֆրակցիոն անոն կարգը:</p> <p>Մեկ ամբողջական դիֆրակցիոն: +5.0-ից մինչև +10.5 և +29.5-ից մինչև +36.0</p> <p>Կես դիֆրակցիոն: +10.5-ից մինչև +15.0 և +25.0-ից մինչև +29.5</p> <p>Քառադր. դիֆրակցիոն: +15.0-ից մինչև +25.0</p> <p>Rayner RayOne Aspheric Monofocal Preloaded ներառված են ինժեների մեջ լիցքավորված փափուկ ոսպնյակ</p> <p>Ներառված են ոսպնյակի օպտիկական կոնստանտը: Rayacri հիդրոֆիլ ակրիլ (26 % ջրի պարունակություն)</p> <p>Ներառված են ոսպնյակի երկարությունը: 12.50 մմ</p> <p>Ներառված են ոսպնյակի օպտիկական մասի չափը: 6.00 մմ</p> <p>Ներառված են ոսպնյակի օպտիկական մասի տեսակը: Երկուտեղիկ (0-ից բարձր դիֆրակցիոն), երկուտեղիկ (0-ից ցածր դիֆրակցիոն)</p> <p>Ներառված են ոսպնյակի հատիկների տեսակը: Փակ հանգուց Anti-Yauiting Haptic (AVH) տեխնոլոգիայով</p> <p>Ներառված են ոսպնյակի օպտիկական մասի ապֆերիկությունը: Առաջային ապֆերիկ մակերես ճեղքով տեխնոլոգիայով</p> <p>Ներառված են ոսպնյակի օպտիկական մասի եզրի ճյուղ: Amour – Apple 360° քառակուսի եզր</p> <p>Ներառված են ոսպնյակի օպտիկական A-կոնստանտը: 118.6</p> <p>Ներառված են ոսպնյակի կոնստանտային A-կոնստանտը: 118.0</p> <p>Ներառված են ոսպնյակի ինժեների տեսակը: մեկանգամյա օգտագործման</p> <p>Ներառված են ոսպնյակի ինժեների ծայրի չափը: 1.65 մմ</p> <p>Ներառված են ոսպնյակի ինժեների ծայրի թեքությունը: 45°</p> <p>Ներառված են ոսպնյակի դիֆրակցիոն անոն կարգը:</p> <p>Մեկ ամբողջական դիֆրակցիոն: +10.0-ից մինչև +7.0 և +31.0-ից մինչև +34.0</p> <p>Կես դիֆրակցիոն: +8.0-ից մինչև +30.0</p>
68	Ինժեները բազմանգամյա նախատեսված ներառված են ոսպնյակի ինվազիոն համար	<p>Lenstec 19011S ինժեները փափուկ ներառված են ոսպնյակների համար</p> <p>Ինժեները մետաղի տեսակը: տիտան</p> <p>Օգտագործման տեսակը: բազմանգամյա</p> <p>Ինժեները ծայրի տրամագիծը: 1.6-1.7 մմ</p> <p>Ինժեները ծայրի տափակ, շրջող ակնու քարթիցի լիցքավորման համար</p> <p>Ինժեները մարմնի վրա փորագրած 05-2135 գրությունը</p> <p>Ինժեները ինտ անոն է տրվի մեկանգամյա քարթից թվով 100 հատ, քարթիցի ծայրի տրամագիծը: 1.6 մմ , ծայրի թեքությունը: 45 աստիճան, քարթիցի ներքին ծածկությունը, գործարանային փայտակարգված</p> <p>Beaver Visitec International (BVI) BVI HPMC Visco Dispersive մեթիլցելյուլոզային վիսկոզաատիկ հերոլով</p> <p>Տեսակը: դիսպերսիվ</p> <p>Կոնցենտրացիան: 2.0% մեթիլցելյուլոզի վիսկոզաատիկ ակտային լուծույթ</p> <p>Վիսկոզաատիկի ծավալը: 2.0 մլ տարրությունը ներառված են</p> <p>Մոլեկուլայր զանգվածը: 86,000 դալտոն</p> <p>Մածուցիկությունը: 3000 - 4500 mPa.s</p> <p>PH: 6.0-7.8</p> <p>Կանտային չափը: 23G</p> <p>Պահպանման ջերմաստիճանը: 2-35 °C</p>
69	Վիսկոզաատիկ 2 մլ հերոլով ինժեները մեջ	<p>Beaver Visitec International (BVI) SLIT KNIFE 2.75MM ANGD SINGL BEV W/SAFETY միկրովիդրաբուժական դանակ</p> <p>Միկրովիդրաբուժական դանակի տեսակը: թեք երկսայր</p> <p>Միկրովիդրաբուժական դանակի տարատեսակը: անվտանգ (safety)</p> <p>Միկրովիդրաբուժական դանակի շեղքի լայնությունը: 2.75 մմ</p> <p>Միկրովիդրաբուժական դանակի շեղքի թեքությունը: 45 աստիճան</p> <p>Միկրովիդրաբուժական դանակի շեղքը: թեք</p>
70	Դանակ միկրովիդրաբուժական 2.75 mm	

71	Դանակ միկրովիրաբուժական	<p>Տոսիկի մեջ քանակը: 10 հատ Beaver Visitec International (BVI) SIDEPOR KNIFE 20G ANGL MVR W/SAFETY միկրովիրաբուժական դանակ Միկրովիրաբուժական դանակի տեսակը: թեք երկսայր Միկրովիրաբուժական դանակի տարատեսակը: անվտանգ (safety) Միկրովիրաբուժական դանակի շերտի լայնությունը: 1.15 մմ (20G) Միկրովիրաբուժական դանակի շերտի թեքությունը: 45 աստիճան Միկրովիրաբուժական դանակի շերտը: թեք Տոսիկի մեջ քանակը: 10 հատ</p>
72	Ներկ Blueron կամ Vioron 0.5 մլ՝ ռապիդակի կապտուղայի ներկելու համար	<p>Geuder Fluoron Vioron տրիպան կապույտ ներկող լուծույթ Ներկող լուծույթի տեսակը: տրիպան կապույտ կապույտ ներկող լուծույթ Ներկող լուծույթի բաղադրությունը: 0.3 մգ Տրիպան կապույտ 0.95 մգ Na2HPO4 x 2 H2O 0.15 մգ NaH2PO4 x 2 H2O 4.1 մգ NaCl Ներկող լուծույթի կոնցենտրացիան: 0.6 գ/լ Տրիպան կապույտ Ներկող լուծույթի խտությունը: 1.000 - 1.005 գ/սմ3 Ներկող լուծույթի ծավալը շփկում: 0.5 մլ Տոսիկի մեջ քանակը: 5 հատ</p>

ԳՆՈՐԴ


ՀՀ պաշտպանության նախարարություն
 ՀՀ պաշտպանության միջնաբերդի տեղակալ



(Handwritten signature)

ՎԱՃԱՆՈՂ

«Վիժնմեր» ՍՊԸ
 տնօրեն



(Handwritten signature)
 ՎԱՐԱՊԵՏԱՆ

ՎՃԱՐՄԱՆ ՔԱՄԱՆԱԿԱՑՈՒՅՑ

ՀՀ դրամ


		Ապրանքի		ժամացվածքները նախատեսվում է իրականացնել 2019թ.-ին ըստ ամիսների, այդ թվում՝	Ընդամենը
Ձ/Հ	գնումների պատվ նախատեսված միջանցիկ ծածկագիրը՝ ըստ ԳՍԱ դասակարգման (CPV)	CPV անվանումը	Անվանումը	Բեկետներ, բայց ոչ ուշ, քան 25-ը	
65	33731120/4 ներակնային ոսպնյակներ (լինզաներ)	ներակնային ոսպնյակներ (լինզաներ)	Ոսպնյակ կոշտ	425,000	425,000
66	33731120/5 ներակնային ոսպնյակներ (լինզաներ)	ներակնային ոսպնյակներ (լինզաներ)	Ոսպնյակ փափուկ	4,300,000	4,300,000
67	33731120/6 ներակնային ոսպնյակներ (լինզաներ)	ներակնային ոսպնյակներ (լինզաներ)	Ոսպնյակ փափուկ պրեմիում	1,500,000	1,500,000
68	33141211/97 բժշկական այլ գործիքներ և պարագաներ	բժշկական այլ գործիքներ և պարագաներ	Ինժեկտոր բազմանգամյա նախատեսված ներակնային ոսպնյակի ինյատացիայի համար	270,000	270,000
69	33141212/3 բժշկական այլ նյութեր	բժշկական այլ նյութեր	Վիզյուալիզատիկ 2 մլ ենդուկ՝ ինժեկտորի մեջ	1,050,000	1,050,000
70	33161120/90 վիրաբուժական գործիքներ	վիրաբուժական գործիքներ	Դանակ միկրոփիրաբուժական 2.75 mm	400,000	400,000
71	33161120/91 վիրաբուժական գործիքներ	վիրաբուժական գործիքներ	Դանակ միկրոփիրաբուժական	400,000	400,000
72	33141212/4 բժշկական այլ նյութեր	բժշկական այլ նյութեր	Ներկ 0.5 մլ՝ ոսպնյակի կապտուկան ներկելու համար	180,000	180,000

ԳՆՈՐԳ

ՎՃԱՏՈՐԴ

ՀՀ պաշտպանության գլխավոր զորավարի պաշտոնատեղում
ՀՀ պաշտպանության գլխավոր զորավարի տեղակալ

«Վիժններ» ՍՊԸ
տնօրեն



(Handwritten signatures and initials)

Պայմանագրի կողմ

գտնվելու վայրը _____
հհ _____
հվհհ _____

Պատվիրատու

գտնվելու վայրը _____
հհ _____
հվհհ _____

**ԱՐՁԱՆԱԳՐՈՒԹՅՈՒՆ N
ՊԱՅՄԱՆԱԳՐԻ ԿԱՄ ԴՐԱ ՄԻ ՄԱՍԻ ԿԱՏԱՐՄԱՆ ԱՐԴՅՈՒՆՔՆԵՐԻ
ՀԱՆՁՆՄԱՆ-ԸՆԴՈՒՆՄԱՆ**

« » « » 20 թ.

Պայմանագրի /այսուհետ՝ Պայմանագիր/ անվանումը՝

Պայմանագրի կնքման ամսաթիվը՝ « » « » 20 թ.

Պայմանագրի համարը՝ _____

Պատվիրատուն և Պայմանագրի կողմը՝ հիմք ընդունելով պայմանագրի կատարման վերաբերյալ « » « » 20 թ. դուրս գրված N _____ հաշիվ ապրանքագիրը, կազմեցին սույն արձանագրությունը հետևյալի մասին.

Պայմանագրի շրջանակներում Պայմանագրի կողմը մատակարարել է հետևյալ ապրանքները՝

N	Մատակարարված ապրանքների							
	անվանումը	տեխնիկական բնութագրի համառոտ շարադրանքը	քանակական ցուցանիշը		կատարման ժամկետը		Վճարման ենթակա գումարը /հազար դրամ/	Վճարման ժամկետը /ըստ վճարման ժամանակացույցի/
			ըստ պայմանագրով հաստատված գնման ժամանակացույցի	փաստացի	ըստ պայմանագրով հաստատված գնման ժամանակացույցի	փաստացի		

Սույն արձանագրության երկկողմ հաստատման համար հիմք հանդիսացած հաշիվ ապրանքագիրը և դրական եզրակացությունը հանդիսանում են սույն արձանագրության բաղկացուցիչ մասը և կցվում են:

Ապրանքը հանձնեց

ստորագրություն

ազգանուն, անուն
Կ.Տ.

Ապրանքը ընդունեց

ստորագրություն

ազգանուն, անուն
Կ.Տ.

ԱԿՏ N _____
պայմանագրի արդյունքը Գնորդին հանձնելու փաստը ֆիքսելու վերաբերյալ

Սույնով արձանագրվում է, որ _____-ի (այսուհետ՝ Գնորդ) և _____
(այսուհետ՝ Վաճառող) միջև 20 թ. _____-ին կնքված N _____
պայմանագրի շրջանակներում Վաճառողը 20 թ. _____-ին հանձնման-ընդունման
նպատակով Գնորդին հանձնեց ստորև նշված ապրանքները.

Ապրանքի		
անվանումը	չափման միավորը	քանակը (փաստացի)

Սույն ակտը կազմված է 2 օրինակից, յուրաքանչյուր կողմին տրամադրվում է մեկական օրինակ:

ԿՈՂՄԵՐԸ

Հանձնեց

ազգանուն, անուն

Ստորագրություն

Ընդունեց

հայտը նախագծած ներկայացուցիչ՝

ազգանուն, անուն

ստորագրություն